



Universitätsbibliothek Paderborn

Praxis Episcopalis

In Qva Episcoporvm Non Tantvm, Eorvmqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolviones ... quàm brevissimè
continentur

Zerola, Tommaso

Coloniae Agrippinae, 1680

Baculus Pastorales.

urn:nbn:de:hbz:466:1-10447

BACULUS PASTORALIS.

Primò, Baculus pastoralis quid significat per curvitatem illam superius positam? Respondetur primò, quod vel coercitionem, sive castigationem, quæ dari solet ab Episcopo populis inobedientibus, sicut pastor utitur pedo ad reprimendas oves errantes; secundò respondetur, quod significat regnum; sicut enim Reges utuntur sceptro, prout dictum est in ver. sceptrum, pro pace populorum, ita Episcopus pro auctoritate, qua utitur in salutem populi.

Secundò, eo utitur Episcopus praedicando, & incedendo, ad denotandum illa duo, c. disciplina, 45. distin. c. nullus Episcopus, de consecr. dist. 1. text. & gloss. in ca. unico, in ver. propter historiam, & in ver. mysterium, & Innoc. in lib. 1. cap. 62. ministeriorum Misse.

Tertio, quare non utitur eo Summus Pontifex, vide ibi text. & gloss. & Host. in sum. tit. de sac. Vn. 9. ult. in ult.

B A N N I T I.

Primò, quia multi summi Pontifices fecerunt constitutiones contra receptantes bannitos, occultantes, juvantes ad evadendum, faventes, alia que ministrantes, & imposuerunt multas poenas, & censuras, dubitatur, quinam sint, qui incurruunt dictas poenas, & censuras? Respondetur primò, quod cum excommunicatio non incurritur

sine peccato mortali, c. nullus, cum vulgaris, 11. q. 3. vel contumacia etiam in re levi, gloss. in d.c. duo, 96. dies, & in ver. contumelia, hinc sit, quod solum illi, qui cum peccato mortali praedita faciunt, incurruunt, & propterea patres, filii, uxores, fratres, & hujusmodi consanguinei, vel affines, qui occultaverint eos, aut eis consilium, seu etiam pecuniam dederint ad aufugiendum, & discedendum à territorio, non incidunt, nec illi, qui favent eis, non ad maleficia patranda, vel ad non in eis perseverandum, nec ipsi, qui eos juvant ad evadendum eo sine, ut melius convertantur, & pœniteant, neque qui juvant illos ad evadendum manus iustitiae, sine scandalo, & violentia, ut pœniteant, neque parochi, vel religiosi, qui eos visitant, quando ægrotant, sed solum illi incurruunt, qui præsumptivè receptant, vel juvant eos ad maleficia operanda, vel in eis perseverandum, Nav. cons. 21. de sent. excom. c. duo ista, 23 quæstio 4. & idem censendum est de religiosis hospitantibus, seu receptantibus bannitos timore, necessitate, cognitione, uilitate, charitate; nam non incurruunt pœnas, immò interdum merentur. Nav. loc. cit. num. 55. similiter quando ponuntur pœnae & censurae contra receptantes bannitos, non intelliguntur illi, qui aliquod delictum fecerunt semel, vel non publicè, vel dissimilatoriè, sed perseverantes in maleficiis, idem consil. 22. & 23. loco cit. nec qui auxiliatur eis tanquam egentibus vicinis Christianis, & nota ut bannitis, idem loco citato, sicut etiam